

(Bahagian Perancangan Dan Komunikasi Korporat)

Surat khabar: Utusan Sarawak (Berita Perdana)

Hari/Tarikh: 2/2/2016

Muka surat: 3

Tajuk : Lahirkan lebih ramai profesional jurusan perniagaan

Lahirkan lebih ramai profesional jurusan perniagaan

KUCHING: Negeri ini sedia menghasilkan belia yang berpendidikan profesional dalam jurusan perniagaan melalui UNIMAS Business School.

Timbalan Ketua Menteri, Datuk Patinggi Tan Sri Alfred Jabu berkata demikian semasa merasmikan majlis pelancaran UNIMAS Business School di salah sebuah hotel terkemuka di sini semalam.

"UNIMAS Business School, berperanan dalam memasarkan pelbagai program pasca-siswazah dan peluang perundingan, sejajar dengan jangkaan untuk mencapai agenda dan inisiatif Kerajaan Negeri," katanya.

Menurut beliau, sebagai Business School yang pertama di Pulau Borneo, UNIMAS Business School diyakini akan dapat memikul cabaran semasa dan permintaan dalam pasaran tempatan dan global.

"Saya ingin universiti ini membina kerjasama yang lebih strategik dengan negara jiran Brunei, Kalimantan Indonesia dan Sabah," ujarnya.

Kerjasama dalam bidang yang berkaitan katanya adalah bertujuan untuk memperkenalkan dan melonjakkan nama UNIMAS sebagai universiti pilihan di Asia Tenggara.

"Kerjasama strategik adalah penting untuk memastikan sumber-sumber yang digunakan dengan baik, dan untuk



PELANCARAN ... Datuk Patinggi Tan Sri Alfred Jabu Numpang merasmikan UNIMAS Business School pada majlis makan malam. • Foto NORDIN MD DIAH

menggalakkan peluang untuk capaian yang lebih besar yang akan memberi kesan positif kepada sosial dan ekonomi negeri ini," jelasnya.

Oleh itu, Jabu berharap penubuhan UNIMAS Business School ini akan melengkapkan graduan secara keseluruhan meliputi pengetahuan teknikal dan kemahiran bidang perniagaan.

"Para graduan hari ini perlu peka terhadap tanggungjawab mereka untuk menjadi yang terbaik dalam bidang kepakaran mereka," katanya.

Jabu dalam ucapannya turut menyatakan UNIMAS Business School diyakini, mungkin akan menjadi Harvard Business School di rantau Timur ini.

Turut hadir Naib Censelor

UNIMAS, Prof Datuk Dr Mohd Kadim Saudi dan Pengurus Kumpulan Perniagaan UNIMAS, Datu Jabudah Monseri.

Penubuhan UNIMAS Business School telah diluluskan oleh Kementerian Pengajian Tinggi pada 26 November tahun lepas dan telah beroperasi secara rasmi pada 2 Januari yang lalu.

– Diyana Samsuddin